



UNIVERSITÄTS-
BIBLIOTHEK
PADERBORN

**R.P. Lvcae Pinelli, Societatis Iesv Meditationes De
Sanctissimo Eucharistiæ Sacramento, Et præparatione ad
sacram communionem**

Pinelli, Luca

Coloniæ Agrippinæ, 1603

Historia De Ingressv Mariæ in cœlum.

[urn:nbn:de:hbz:466:1-59560](https://nbn-resolving.org/urn:nbn:de:hbz:466:1-59560)

bene inceperit, sed qui perseverauerit usque in finem.

HISTORIA DE INGRESSU

MARIÆ in cœlum.

EPIPHANIUS aperte fatetur, nulla lingua nec humana, nec angelica explicari posse gloriam & triumphum, quo Maria excepta est in cœlo, & concludit eam, Deo excepto, antecellere omnibus. Bernardus quoque ait, cogitatione neminem assequi posse, quanta cum gloria regina mundi cœlum ingressa sit, quanto deuotionis affectu conspecta sit à cœlestibus legionibus, quam sereno vultu, quam diuino complexu suscepta sit à Iesu & supra omnes creaturas exaltata. Sophronius speciatim dicit in assumptione Mariæ militiam cœli omnem obuiam ei processisse ad honorandum illam, eamque cœlesti splendore circumfusam cum concentu deduxisse ad thronum illi præparatum. Deinde addit assumptionis huius festum, quod semel quoque annis à nobis celebratur, à spiritibus beatis totaque Hierusalem cœlesti continenter celebrari. Athanasius refert laudes à quaque hierarchia Mariæ decantatas. Anselmus etiam dicit Deum exaltasse matrem suam supra omnes cœlos, eamque collocasse in throno gloriæ, & Dominam super omnes

in serm. de laud. B. Virg.

b serm 1. de assumpt.

c ser. de ass. Virg.

d in Evang.

e de S. Deip.

f cl. de excel.

g Virg. ca. 8.

h Can. de B.

i Mat. 1. 2. 6.

græc.

creaturas cōstituisse. Idem asserunt omnes S. Patres, qui de Maria scribunt, aut de eius assumptione.

PVNCTA MEDITATIONIS.

1. CONTEMPLARE, quomodo Mariæ ingrediēti in cœlum multa suarū virtutū luce circumfusæ occurrerit tota cœlestis curia, à qua communi omnium gratulatione tanquam Mater Dei, & Regina cœli recepta fuit.

2. Contemplare, quomodo conscendenti thronum aure mundi constitutionem illi præparatum, supra omnes angelorum choros, singulę beatorum spirituum hierarchiæ laudes sacratissimæ virginis accinuerint.

3. Contemplare, quomodo Mariæ iam in sede sua depositæ, quę proxima erat sacrosanctæ Trinitatis throno, ad filij sui dexterā, vniuersa cœlestis curia se tanquam Reginæ suæ cum summa reuerentiæ significatione inclinārit.

DOCUMENTA.

1. Fili, si optas cum gloria recipi in cœlum cum Maria, recipere Christum cum amore & humilitate in terra.

2. Is ab angelis laudandi erunt in cœlo, qui hominum laudes fugerint in terra.

3. *Quod*

MEDITATIONES. 283

3. Quo amplius in hac vita propter
Deum te dimiseris, hoc amplius exaltabe-
ris in caelo.

MARIA IN COELO EST
protectrix suorum deuo-
torum.

HISTORIA huius postremæ imaginis
tam clara & manifesta est, vt alios au-
ctores citare opus non sit, quàm nosip-
sos. Exploratum enim est, nullum esse re-
gnum, nullam prouinciam, nullum oppi-
dum, quantumlibet exiguum, in quo nõ
inueniatur aliqua effigies vel statua B.
Virginis, à miraculis celebrata, ad quam
hominum piorum concursus fiat, ad do-
na & beneficia spiritualia vel temporalia
à Deo per intercessionem B. Virginis im-
petranda. Idq; semper vsitatũ fuit à pri-
mis Ecclesiæ CHRISTI primordijs. Quis
verò negare audeat id tribuendũ esse pa-
tricio singulari, quo B. Maria vtitur er-
ga sibi deuotos? Quis affirmet eã nõ esse
in summa gratia infiniti illius diuinæ bo-
nitatis pelagi, postq̃ tot beneficia ab ea ge-
neri humano præstatur? Quis ita mētis in-
ops est, vt honorem & reuerentiam ab-
nuat, tam sedulæ, tamq̃ue amabili aduo-
cata? Ait Anselmus Mariam exaltatam
esse ad tantam dignitatem propter nos,
vt fa-

*ain l. de ex-
cell. virg.
ca. 8.*